

北京圖書館古籍珍本叢刊

集部・明別集類

黃給諫遺稿・仁山遺

稿・盤谷集・金川玉

屑集・嵩渚文集

北京圖書館古籍珍本叢刊

101

書目文獻出版社



ISBN 7-5013-1557-4



9 787501 315574 >

北京圖書館古籍珍本叢刊

集部·明別集類

黃給諫遺稿·仁山遺

稿·盤谷集·金川玉

屑集·萬清文集

編者 北京圖書館古籍出版編輯組

出版 書目文獻出版社

(北京文津街七號)

印刷 北京大興古籍印刷裝訂廠

定價 叁百壹拾圓

ISBN 7-5013-1557-4/Z·260

101

新學網
PDG

目 録

黃給諫遺稿	一卷附錄一卷	一
仁山遺稿	一卷附錄一卷	二七
盤谷集	十卷	四三
金川玉屑集	六卷	一一一
嵩渚文集	一百卷目錄二卷	一六一

萬曆

皇上登極詔書

一革除間被罪諸臣忠於
所事甘蹈刑戮有死無
二皆我

太祖高皇帝所儲養忠臣義
士我

成祖文皇帝當時亦有練子
寧若在朕猶當用之之
語今仰遵我

聖祖遺意褒表忠魂激勵臣

節詔書到日各地方有
司官查諸臣生長鄉邑
或特爲建祠或卽附本
處名賢忠節祠歲時以
禮致祭其墳墓苗裔僅
有存者厚加卹錄欽此

奉

天承運

皇帝勅曰朝廷設諫議之官欲其振綱紀而勵風俗所任至不輕也匪得其人曷能

有稱爾戶科左給事中黃鉞發身賢科除茲要任清譽著稱克舉憲度是用進爾階微仕郎錫之勅命以爲爾榮夫官以諫爲名以

言爲職在畧細故而存大體扶君子而抑小人爾其益勵廼志益堅廼守毋私于法毋撓于勢毋訐以爲直毋苛以爲能懋脩不解

式副微音

勅命

建文三年三月十五日

之寶

黃給諫遺稿序

夫言有曠百世而相感者則不朽之作是也事有亘千古而如新者則不朽之人是也人與作孰可朽孰不可朽則生不憑生全其生理死不墜死得其死所是也韓昌黎諫佛骨一疏學者爭山斗之而潮之死令人尸祝無已文信國感慨忠憤之氣見諸詩歌而成仁取義至今有餘

慕焉嗚呼合兩公之人與言可謂生死不二也已此其所以傳也叔揚黃公爲遜國忠臣余讀其遺詩想見其學術心事純然有遺君子殆無忝爾生也者平生所學何事宜其臨難背之況自有一吟一咏不敢忘者乎是以聞其從容赴義得正而斃也則又不愧於死者也此其言與人可朽乎不可朽乎今國家功令昭明諸臣被

邱公之人光日月而其言亦挾風霜又得後之人表章之若教之幾餒者於是血食俶倖之末飽者於是竹素言與人更炳炳烺烺千古一時也于是編者恍進公之堂與之相上下而愛公者什襲是編坐卧不能去倘亦百世相感千古若斯乎余歸自秣陵烹雪無事進諸史籍左右之每思世無昌黎信國其人者然又幸今國家

昇平不顧爲昌黎信國其人而姚子聖微以公之編示余且曰其孫拱斗師曾咸有請也夫公之忠編內諸君子揚扆之矣抑何言顧余次第昌黎信國而以叔揚爲之後夫世有其人不幸而亂世則爲忠臣幸而治世則爲良臣是也余因是慕效三君子願旦暮見之也姚子歸卽以是言致黃子而爲之序

賜進士及第奉議大夫右春坊右中允前南京
國子監司業翰林院修撰當湖施鳳來撰

黃林合譜記

叔楊黃鉞撰稿

玄孫 拱斗 師曾 校集

建文三年冬黃氏元孫鉞先以薄職事行役旋歸丁外艱抱病湖村病間因閱高祖道山公及祖悅萃詩稿與夫先君養浩翁所賦懷感祖訓等詩其間備著宗族之源流世澤之遠近凡

官稱名字妃耦卒葬幸有得者悉錄入譜蓋欲傳之無窮使宗人觀圖而知父兄伯叔之本同良心油然而生庶幾孝弟雍睦忠厚之風可作卓爲尊祖睦族之舉甚哉事也按譜起道山黃氏而以上宗派考諸遺訓所錄但云自曾祖綴名郡庠家居劍城素守儒業祖父存心種德惠濟流離得活者甚衆道山本派武陵祖父抱養

爲子然而上世名號畧而不載及觀先祖侍雲詩集序有云其先本中原著姓因建炎南渡始寓于此凡數世矣此其一脉也若林氏子思孝寔吾仲孫因子贅居範軒林學博家遂從林姓蓋自一派而分爲兩派也由是元孫鉞喟然作而嘆曰先氏有言萬物本乎天人本乎祖舉首天近人知敬天歷世久遠人易忘祖知氣化形

生之原常敬天而尊祖所謂尊祖之道于何尊之曰發揚先祖之遺芳餘烈以昭方來斯爲尊之蓋先祖有善而弗知曰不明知而弗傳曰不仁先君子累世詩書當承平之世不皆顯宦特行高義重種德蘊奇不並流俗馳驚于富貴之鄉惟以善積諸已而淑諸人位不滿德故子若孫世守家法弗渝此所以綿綿延延無感衰隆

替之憂以至得有我之身于今日而不廢墜于
險艱之時克衍宗祀于悠久者皆上世之德澤
有以致造物之機妙使然也曷不觀乎前代之
季英豪富貴之流雅得志于一時縱耳目之欲
于一身而不知流毒于後嗣者跡其覆轍則若
等之與吾宗其賢不肖得與失之相去不啻如
霄壤之懸隔矣哉

國之紀德功言以詔不朽者在太史家之紀德
功言以垂不朽者在子孫子孫之精神即先祖
之精神子孫之氣脉即先祖之氣脉同根共源
親疎內外雖相隔越精神氣脉不相殊異情意
綢繆意氣協洽親親長長怡然一家之相得
則人倫厚矣世德有錄世次有譜非但可以保
族宜家必有所以表先世之德澤綿綿而末艾

也誠慨念古者宗法自繼別以下皆以長為宗
若長未必皆賢且不常盛也故必立家相以輔
之宗以長相以賢長者前定在天而賢者則于
在上之人有以定之也宗子長且賢而相之者
又賢則以德功言小而保族宜家大而庇民正
主國所以亢其宗也自世變風移民無恒產死
徙出鄉族不聚居宗無系屬由是各親其親各

子其子此貧富之勢所以分宗族之情所以疎
也嗟夫世之人自宗族之恩缺民不知親其親
自貧富貴賤之勢相軋而親親之恩愈薄賤而
卑者或凌之貴而富者或嫉之因其凌與嫉之
心生而宗族以睦至于極則兄弟不能相保者
多矣嗚乎自吾身而祖吾宗其支派雖遠而其
初則父兄伯叔為本寔同親其同則死喪緩急

可以相保而不可以相棄此誠有望于吾子若
孫之意也今吾作新是譜以綴其宗志其美而
萃聚人心道莫切于祭享之禮二姓昆季能量
割祭田略如小宗法之例合族祭于一廟祭畢
則燕非申告以睦族之說春秋墓祭如廟禮庶
幾知同宗共祖之義父兄伯叔之位號時省月
災于心目親親之念不容少疎蓋林姓之子孫

實黃氏祖宗之嫡孫黃姓之子孫亦林氏祖宗
之甥孫二祖兩相不忘則家範可為鄉邑表儀
而祖宗建德修業之盛心亦不至泯泯而無傳
矣宗人觀譜而知所以自勉必有以上承祖先
下昭前烈斯錄斯譜豈曰具文云乎于是敬書
以質諸宗親之賢者長者以俟惟憂深慮遠故
言切說詳幸毋以煩為厭遂為記其歲時云元

孫鉞拜述
存寄詩草

題楊氏憶居

愛子節堂淨不塵
廟丹莫厭往來頻
如蘭自覺心千古
似夢還驚歲月新
駕上詩書千軸富
窓前花木一林春
嚴陵自是輕台陽
相對慚為獻納臣

覽貽穀詩卷 貽穀楊福宇

羨子才華邁等倫
近觀詩律更超群
藍田趙壁連城重
滄海驪珠耀眼新
細寫烏絲森玉筍
光生麗藻爛春雲
明時若向難林售
楊意終當獻紫宸

送繆教諭考滿

黌宮典教育才賢
衮衣飛騰上九天
璞玉未攻

煩刺治躍金在治賴陶甄文風鼓舞沾時雨藻
思芬華發湧泉績著選漕應奏最拜恩重賜錦
袍鮮

月蝕

海上飛來白玉盤妖氛噓被遠相干乾坤萬里
失懸象曉露一襟生薄寒方牧援桴躬伐鼓
夫馳走敢偷安千官瞻仰中庭久光復依然宇

宙寬

送都司馬子明

天涯流落壯心驚匹馬西征訴別情擬向轅門
揮白羽試開塵匣看青萍笑談武略平戎虜勇
樹功勛勒銘耿耿忠丹報明主健書先奏鳳
凰城

遊維摩

石壁嵯峨鳥道微抱琴携鶴扣禪扉松花滿地
鋪金粉苔蘚侵階長綠依僕子扣鐘迎上客詩
僧分茗話玄機更期齋罷西巖去坐看沅泉作
雨飛

和張叔平九日韻

登高每恡牛山哭久別庭帟意慘傷內使催承
光祿宴布祀濃染御爐香紫宮甘菊移晴日金

水芙蓉拒曉霜謁告省親如得旨預將書報永
思堂

夜見燈花

一穗燈花照眼紅銀缸吐燭若春融雖非雨露
滋培力豈外乾坤造化功無色無香真可愛自
開自落了無踪知兒笑卜明朝喜餘燼安能定
吉云

十月朔夜紀異

群龍出海肆爲妖，毒害濃民百里遙。
穀粟入雲隨電捲，雹冰如斗逐風飄。
老天傲我因垂象，太史推占有所招。
安得三公謀變理，四時玉燭爲君調。

寄陳主簿

奉使會乘海上槎，金閨通籍擅才華。
推情允愜

囚人意，東志忠勤帝主家。
合浦明珠應許獲，藍田白璧信無瑕。
彤庭拜命歸來早，烏帽仍簪上苑花。

趙通政遊致道觀索賦

使君前代舊王孫，授節承恩出午門。
六府孔備民永賴，五湖底定水東奔。
諮諏每念蒼生苦，宣化能令薄俗敦。
公暇琳宮暫遊憩，試茶丹井共

談論

舟中雜興

一葉扁舟逐便風，山光凝紫暮煙濃。
汀花泣雨如含笑，林樹經霜爲改容。
近說流離歸舊業，頗聞鷄犬識新豐。
皇華使者詢民俗，被水人家處處同。

陰雲潑墨雨霏微，舟次齊門竹樹堤。
新鴈南來

避繪繳，數聲嗷嗷傷船低。
雨散雲收月滿天，擁衾危坐夜忘眠。
寒光漏入虛生白，疑是米家書畫船。

咏梅

陽和一點透孤根，已向南枝露粉痕。
自信天機臧不住，暗香流出滿乾坤。

墨梅

楚地無梅不入驂東心貞潔志孤高近因俯受
玄纁聘換却當年白紵袍

紅梅

懸崖倒掛一枝斜
醉東風夢綠華不是金丹
換僊肯定隨王母酌流霞
東風昨夜到山家玉骨冰肌
暈紫霞但得歲寒
貞節在任渠錯認作桃花

題京山觀音巖

坐看秋山煙景寂
丹崖萬仞懸虛壁瀑布飛來
別有天明珠滿地蒼苔濕

端陽

何事端陽吊獨醒
靈均此日跨長鯨楚鄉風俗
多忠義憤積胸中尚未平

競渡

江上龍舟奪錦旗
中流擊楫去如飛英靈漂漂
今猶昔身葬江流竟不歸

題蒲湘夜雨

一天風雨暗湘江
客况蕭條夜更長隔岸嫩蓮
見漁火船頭驚起白鷗雙

溪樹

雨來溪樹好翡翠散明珠
若若萬葉動蒲蒲群

響俱微風送餘瀝返照妬深濡
浩蕩恩波足惟憐雙下枯

夜泊東城懷李武選

微陽已在亂山西
客子登程愁夜迷舟楫茫茫
川正迴衣裳淪淪露光凄潮回古
渚東流急天隱層城北斗低咫尺
故人相隔越虛懷寥落候
關難

澤居偶書

比隣星散絕經過四壁寒光渺渺波私蓄牛羊
芻牧少官倉在鼠糞梁多西風布被耽朝卧殘
月松窓街夜哦不是區區能造撥出門一望奈
愁何

元日用長字韻

年來隱計自爲長簪訪何如書滿堂入眼睛雲

十三

占歲氣照門春日動湖光傳椒老子騰騰醉騎
竹兒童故故狂車馬東華雖富貴貧窮吾亦愛
吾鄉

城中夜歸

塵累茫茫有鬱襟憑鄉就晚發城陰潮來頻長
溝渠量船過平穿市井心僕子促程雙奮櫓人
家臨水乳鳴砧柴門高想慈親倚新月疎星恐

夜深

題畫

江草青青江柳新一雙飛燕雨如塵輕舟短棹
少閒客翠幙紅樓多醉人

杏花

半抱春寒薄染烟一梢斜露曲牆邊東家有女
貪粧裹曉買新花破曉眠

紡毬

采采玲瓏玉團團簇不開天風苦無賴推月下
瑤臺

海棠

粉合胭脂作曉粧留于顏色香于香東風不肯
全分付相對梅花各斷腸

落花四首

富逞濃華滿樹春香飄瓣落樹還貧紅芳既脫
低成道綠葉初陰子養仁偶補燕巢泥薦寵別
修蜂蜜水資神年年爲爾添惆悵獨是蛾眉未
嫁人

飄飄蕩蕩後悠悠樹底還尋到樹頭趙武泥塗
知屏兩秦宮脂粉惜隨流癡情戀酒粘紅袖急
意穿簾臨玉鉤欲拾殘芳搗爲藥傷春難療箇

中愁

是誰揉碎錦雲堆着地平鋪賴有苔悞悞夜生
聯兩枕沉浮朝入送春杯梢偏小刺鶯還掠風
背差遲鴉又催瞥眼興亡供一嘆竟因何落竟
何開

十二街頭散冶遊滿街紅雨瑞春愁知時去去
留難得悞色空空念罷休朝掃尚嫌奴作賤晚

歸還有馬堪憂明朝更自誇樓簾綠葉黃鸝舊
酒樓

看月

月行天上人行地人月奔忙兩莫閒天上人間
本相異不應天上似人間

江泌隨月

清宵就月還開卷登屋隨光亦太勞自信書生

窮不盡青天夜夜與焚膏

孫康映雪

士列窮時方見志雪光聊借讀書燈家家雪有
書亦有孫子獨能人不能

拜閱

道山祖遺訓欲令子女知源流之大槩也

蓋

道山祖因罹閹墻之禍艱難再造數年之
間始獲成立故其言痛苦其辭不舒讀之
令人泫然流淚亦欲作詩以訓子弟知吾
家源源之大歸及祖宗之遺德但
諸父所言典故多所忘失不能備載深可
惜耳

吾祖居劍城積德如丘山黃蘗濟流離失心無

少慳生計日以穀舊業日以還天道福善人較
之良不難
燕山五株桂流芳琴水涓春風一拂披奕葉生
光輝後來兵革興世事日已非伯氏喪元子仲
氏無子遺興言實痛傷潸然淚交頤
吾祖晚翠翁嗣子頤繁昌予叨中甲第日近
天子光戴筆立螭頭給事黃門郎父叔居湖村

長年樂耕桑李叔雖癯世有子持門戶四十尚
無子抱養從母孫讀書雖不多頗識儒道尊九
年厄沉疴喜得宗祧存
兵餘失舊業有弟生分離戶門事益繁望家住
京師囊空子復幼極力強支持何時釋重負放
生樂生餘

寓意復言家來

兩宗昆與李亦復有五人東園紫荊花三株同
一根隨條布露葉雨露沾新恩老梅南北枝花
開冠先春結子能調羹行且獻

金門

吾家兩兄弟華萼相輝聯元季天運更鴻鴈驚
飛分嗟我登仕途二年不得歸爾雖保家業遊
藝居